

JADUAL KHUTBAH JUMAAT SIRI 12/2021 (Bulan Disember 2021M)

Tarikh	Tajuk	ب
3 Disember 2021M/ 28 Rabi'ulakhir 1443H	LEBURKAN TAKBUR	1.
10 Disember 2021M/ 5 Jamadilawal 1443H	PERSONALITI MUKMIN BERJAYA	2.
17 Disember 2021M/ 12 Jamadilawal 1443H	SUCI HATI, BERSIH JIWA	3.
24 Disember 2021M/ 19 Jamadilawal 1443H	MERAIH KEBERKATAN HARTA	4.
31 Disember 2021M/ 26 Jamadilawal 1443H	GANJARAN BAGI MEREKA YANG SABAR	5.

Percetakan dibiayai:



زكاة قولاً و قينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang (JPNPP)
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah



PERSONALITI MUKMIN BERJAYA

(10 Disember 2021M/ 5 Jamadilawal 1443H)

الْحَمْدُ لِلَّهِ الَّذِي جَعَلَنَا مُؤْمِنِينَ وَفَضَّلَنَا وَأَعَزَّنَا بِالْإِسْلَامِ عَلَى كَثِيرٍ مِنَ الْعَالَمِينَ.
أَشْهَدُ أَنْ لَا إِلَهَ إِلَّا اللَّهُ مَنِ اتَّبَعَ هُدَاهُ فَلَا يَضِلُّ وَلَا يَشْقَى،
وَأَشْهَدُ أَنَّ مُحَمَّدًا عَبْدُ اللَّهِ وَرَسُولُهُ كَرَّمَ رَسُولُهُ وَشَرَّفَ عَبْدًا.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ وَمَنْ سَارَ عَلَى نَهْجِهِمْ
وَاهْتَدَى. أَمَّا بَعْدُ، فَيَا عِبَادَ اللَّهِ، أُوصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ. يَا أَيُّهَا
الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُوا إِلَّا وَأَنْتُمْ مُسْلِمُونَ.

MUSLIMIN YANG DIRAHMATI ALLAH,

Saya berpesan kepada diri sendiri dan menyeru kepada sidang Jumaat yang dikasihi sekalian, marilah kita memperkukuhkan ketaqwaan kepada Allah سُبْحَانَهُ وَتَعَالَى sepenuh hati dengan kita melaksanakan segala perintah Allah سُبْحَانَهُ وَتَعَالَى dan menjauhi segala laranganNya. Dengan demikian semoga Allah akan memasukkan kita dalam kalangan hambaNya yang berjaya di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab,

iaitu tindakan yang boleh memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit. Pada hari ini mimbar akan membicarakan khutbah bertajuk: **“Personaliti Mukmin Berjaya”**.

SIDANG JUMAAT YANG BERBAHAGIA,

Salah satu kunci kejayaan dalam hidup adalah keyakinan diri dan kekuatan peribadi. Keperibadian yang kuat dan keyakinan diri yang tinggi adalah antara sifat terpenting yang mesti dimiliki oleh seseorang. Keperibadian yang kuat membantu kita berjaya dalam semua bidang yang diceburi di samping itu membantu kita memantapkan keimanan.

Junjungan besar kita, Rasulullah ﷺ telah menanamkan sifat tersebut dalam kalangan para remaja dan generasi muda Islam pada zaman Baginda agar memiliki keyakinan diri dan kekuatan peribadi dengan mengajar mereka asas pembentukannya. Asas tersebut adalah mengajar mereka memahami hakikat sebenar keimanan (kepercayaan) kepada Allah. Pekara ini diceritakan oleh Abdullah Ibn Abbas رضي الله عنه pada suatu hari, beliau membonceng bersama Nabi ﷺ lalu Baginda bersabda yang bermaksud:

"Wahai budak! Aku ingin memberi petunjuk kepadamu mengenai beberapa perkara. Peliharalah (hak dan perintah) Allah, Dia akan melindungi kamu. Peliharalah (hak dan perintah) Allah, kamu akan menjumpainya bersama kamu. Sekiranya kamu berdoa, mintalah kepada Dia sendiri; dan jika kamu memerlukan pertolongan, mohonlah kepada Allah sendiri. Dan ingatlah bahawa jika semua orang berpakat untuk memberi manfaat kepada kamu,

mereka tidak akan dapat memberi manfaat kepada kamu kecuali apa yang telah ditulis oleh Allah (untukmu); dan jika semua mereka berpakat untuk memudaratkan kamu, mereka tidak akan dapat memudaratkan kamu dengan apa-apa selain daripada yang telah ditentukan oleh Allah terhadap kamu. Pena telah diangkat dan tinta telah kering". (Hadis Sahih Riwayat Al-Tirmizi)

Hadis tersebut, jelas menunjukkan bahawa apabila kita percaya dengan sepenuh perasaan dan meyakini bahawa Allah akan menjaga segalanya maka iman dan hati akan menjadi lebih tenang, kuat dan teguh. Begitu juga jika kita menjaga batasan Allah (hukum Allah) agama dan syariatNya, bertindak dalam konteks *sunnatullah*, sudah tentu Dia akan melindungi dan menjaga kita semua terutama pada waktu genting.

SIDANG JUMAAT YANG DIRAHMATI ALLAH,

Sekiranya kita mematuhi perintah-perintah Allah, dan tidak mengabaikan taklif syarak, maka kita tidak perlu bimbang dengan setiap keadaan yang ditentukan oleh Allah **سُبْحَانَهُ وَتَعَالَى**. Segala apa yang berlaku adalah daripada kehendak Allah, seperti mana Allah **سُبْحَانَهُ وَتَعَالَى** sendiri mengarahkan kekasihNya Nabi Muhammad **صَلَّى اللَّهُ عَلَيْهِ وَسَلَّمَ** menjawab, iaitu:

...قُلْ كُلٌّ مِّنْ عِندِ اللَّهِ ^ص

Maksudnya: “Katakanlah (wahai Muhammad), semuanya datang daripada Allah” (Surah an-Nisa’:78)

Ibn Kathir menyatakan bahawa menurut Ibn Abbas, ayat di atas turun mengenai perlakuan keji orang Yahudi dan Munafiqin yang suka menyalahkan Rasulullah ﷺ dan umat Islam setiap kali hasil pertanian di Madinah berkurangan berbanding tahun sebelumnya. Jika hasil meningkat, mereka akan menyatakan semua ini kerana Allah. Sebaliknya jika hasil kurang produktif mereka akan menyalahkan Rasulullah tidak pandai menguruskan pentadbiran negara Madinah. Malah lebih daripada itu, mereka menyatakan kedatangan Islam dan para Muhajirin ke Madinah sebagai penyebab kemelesetan ekonomi.

Lalu Allah menurunkan ayat ini untuk memurnikan iktikad umat Islam ketika itu daripada fitnah golongan tersebut. Ungkapan “Katakan semuanya daripada Allah” bermaksud segala-gala yang berkaitan kesulitan, kemakmuran, kemenangan, dan kekalahan adalah daripada Allah, iaitu dengan perintah dan ketetapanNya.

Pengajaran dalam ayat di atas boleh dijadikan pedoman bagi kita mengharungi saat-saat kritikal disebabkan ancaman Covid-19 yang mengakibatkan banyak kegiatan ekonomi tergendala. Akibatnya ramai diuji dengan kehilangan pekerjaan, kekurangan pendapatan dan kesempitan hidup. Ada juga berlaku pertambahan beban kerja dalam kalangan para pendidik yang terpaksa meneruskan sesi pengajaran secara atas talian yang sangat mencabar. Khatib yakin bahawa ramai dalam kalangan jemaah menghadapi situasi seperti itu. Selain pelbagai usaha gigih daripada pelbagai pihak sama, ada agensi kerajaan atau bukan kerajaan untuk memulihkan keadaan, maka kepada Allah jugalah kita berharap segala-galanya. Allah berfirman dalam Surah al-Hadid ayat 22-23 :

مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ مِّن قَبْلِ أَنْ نَبْرَأَهَا إِنَّ ذَلِكَ عَلَى اللَّهِ يَسِيرٌ ﴿٢٢﴾ لَّكَيْلَا تَأْسَوْا عَلَى مَا فَاتَكُمْ وَلَا تَفْرَحُوا بِمَا ءَاتَاكُمْ وَاللَّهُ لَا يُحِبُّ كُلَّ

مُخْتَالٍ فَخُورٍ ﴿٢٣﴾

Maksudnya: “ Tidak ada sesuatu kesusahan (atau bala bencana) yang ditimpakan di bumi dan tidak juga yang menimpa diri kamu, melainkan telah sedia ada di dalam Kitab (pengetahuan Kami) sebelum Kami menjadikannya; sesungguhnya mengadakan yang demikian itu adalah mudah bagi Allah”. “(Kamu diberitahu tentang itu) supaya kamu tidak bersedih hati akan apa yang telah luput daripada kamu dan tidak pula bergembira (secara sombong dan bangga) dengan apa yang diberikan kepada kamu dan (ingatlah), Allah tidak suka kepada tiap-tiap orang yang sombong takbur, lagi membanggakan diri”.

Sesungguhnya keyakinan dan kebergantungan kita kepada Allah adalah sumber kekuatan, sumber yang memperkuat pembinaan personaliti kita dan meningkatkan keyakinan terhadap diri sendiri. Ini membuatkan kita semua menjadi berani dan berani, tidak takut pada apa jua keadaan yang dihadapi. Ini kerana semuanya dalam genggamannya Allah, yang Maha berkuasa dan Maha bijaksana.

SIDANG JUMAAT YANG DIRAHMATI ALLAH SEKALIAN,

Ajarkan kepada anak-anak kita semua tentang keyakinan dan pegangan terhadap nilai-nilai ini. Sesungguhnya tanggungjawab kita kepada anak-anak adalah untuk mendidik dan memahamkan mereka mengenai prinsip asas Islam dan hakikat keimanan. Kita bertanggungjawab di hadapan Allah سُبْحَانَهُ وَتَعَالَى untuk menjadikan mereka sebagai generasi Islam akan datang yang mempunyai keyakinan diri dan kekuatan peribadi.

أَعُوذُ بِاللَّهِ مِنَ الشَّيْطَانِ الرَّجِيمِ
إِنْ يَنْصُرْكُمُ اللَّهُ فَلَا غَالِبَ لَكُمْ وَإِنْ يَخْذُلْكُمْ فَمَنْ ذَا الَّذِي يَنْصُرُكُمْ مِنْ بَعْدِهِ ۗ وَعَلَى
اللَّهِ فَلْيَتَوَكَّلِ الْمُؤْمِنُونَ ﴿١٦٠﴾

Maksudnya: “Jika Allah menolong kamu, maka tidak ada lah orang yang dapat mengalahkan kamu; Jika Allah membiarkan kamu (tidak memberi pertolongan), maka siapakah gerangan yang dapat menolong kamu (selain) dari Allah sesudah itu? Kerana itu hendaklah kepada Allah saja orang-orang mukmin bertawakkal.”

(Surah ali-Imran : 160)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ
لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَيَا فَوْزَ الْمُسْتَغْفِرِينَ
وَيَا نَجَاةَ التَّائِبِينَ.



KHUTBAH KEDUA BULAN DISEMBER

2021M/ 1443H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمْرَكُمْ بِأَمْرٍ عَظِيمٍ، أَمْرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ

يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٩٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَمْنَتَنَا وَوَلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى أَصْحَابِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda

Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا أَلْبَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، عَن بَلَدِنَا هَذَا خَاصَّةً، وَعَن بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah dengan sifat-Mu yang Maha Pemurah dan Maha Mendengar! Kami hamba-Mu yang lemah merayu kepada-Mu agar Engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ وَنُصْرَةِ شَرِيعَتِكَ، بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ.

﴿سورة الصافات﴾